

Hakha Chin | Laiholh

2026 caah siangniam sianginn ah minpeknak

Sianginn thawknak cu ngakchia, hringtu le zohkhenhtu hna caah lungthinthawhternak caan asi. Minpeknak tuahnak cu a fawi khawh chung in na caah bawmh kan in duh.

Victoria ah, *Fimcawnnak le Cawnnak Remhnak Upadi 2006* tangah an suaisamhmi mah umnak pawng i a ummi sianginn (nan 'umnak i sianginn') ah na fa cu kainak nawl a ngei.

Na tualchung sianginn asi lomi sianginn ah hmunhna zong na sok khawh. Sianginn nih Chiahnak Polisi zulh in na soknak kha an ruahpiak lai. Hmuhma peknak lei Pawlasi kong ah thawngthanhmi tamdeuh hmuhnak caah, sianginn page i [Sianginn i minkhumhnak](#).



Ahrampi (Timtuahnak) caah athar state huap caan khiahmi

Siangniam sianginn i a kum khatnak cu Ahrampi asiloah timhtuahnak tiah auh/kawh asi. Victoria acozah siangniamruun sianginn dihlak in zulh awk ah Foundation minkhumhnak a caan kha kan thlah cang (cahmai 4 ah zoh). Caan khiahmi nih 2026 sianginn kum caah Ahrampi ah na fa minpek caan le ningcang hngalh bawmh kha a tinhmi asi.

Zeitik ah dah ka fa cu siangniam sianginn i an kum khatnak ah min Ka pek awk asi?

Na fa sianginn an thawk kum i 30 April ah kum 5 a tlingmi asi hrimhrim awk asi.

Kum 6 a tling cangmi ngkachia caah sianginn kai cu tuah lo khawh lomi thil asi.

Victoria acozah siangniamruun sianginn ah na fa kha sianginn kai kum 2026 caah minkhumhnak tuah dingah, a tlai bik ah 25 Chiapa (July) 2025 ah minkhumhnak sohluah kha sianginn ah ap.

Zeitin dah ka fa cu siangniamruun sianginn i an kum khatnak ah min ka pek lai?

Siangniam sianginn i an kum khatnak ah na fa minpek dingah hi a dotdot hna hi tuah:

1. Find my School website (atang kha zoh) ah na tualchung sianginn kha kawh.
2. Sianginn lennak caah ahlanken in minpek dingah asiloah sianginn le minpeknak soknak tuahnak kong tamdeuh theihhngalh dingah cozah siangniam sianginn kha pehtlai.
3. [Foundation \(Prep\) i Minkhumhnak](#) in Foundation (Prep) minkhumhnak lei thawngthanhnak tommei kha download (dawnglawt). Mah tommei cu Nihnihni 22 Vaupi (April) 2025 tiang ah hmuh khawh a si lai i sohluah form zong aa tel lai. Phitnak dingah sianginn in form i khawpi pakhat kha an in pek men fawn lai.
4. Foundation caah minkhumhnak sohluah cu a tlai bik ah **Ningani 25 Chiapa (July) 2025** ah ap.
5. Na soknak a phi cu **Chiapa (July) 28, Nikhat ni le Ninga ni Hniang (August) 8, 2025** karlak ah theihter na si te lai. Na sokmi kha cohlan na si ahcun, a tlai bik ah **Ninga ni 22 Hniang (August) 2025** ah cohlanak kha na ngah awk a si.
6. **Term 4nak 2025** lio ah minkhumhnak konglam le i thialnak caan pawl ah i tel ve.
7. **Na fa nih 2026 Tangkhawng (January) 28**, Nithummi in Foundation a thawk lai.

Ka tualchung sianginn cu zeitin dah Ka hmuh hnga?

Na tualchung sianginn cu atanglei a dotdot hna zulh in Find my School website ah kawli:

1. Na browser chung i findmyschool.vic.gov.au ah lut.
2. 'Enter your address to get started' (Thawk nakding ah na umnak hmun ah lut) timi tangah azungzal na umnak hmun ah lut.
3. 'Enrolment year' (Minpeknak kum) tangah 2026 kha thim. **Hngalhternak:** 2026 sianginn zone pawl cu Term 1, 2025 dongh lei ah hmuh khawh a si te lai.
4. 'School type' (Sianginn phun) tangah Siangniam kha thim.

Khuaram hmanthlak nih na umnak hmun, na tualchung sianginn hna kha sianginn caah kehlei i a ummi pehtlaihna dikthlir hna ah a hmuhsak lai. Tanglei ah na kau ahcun, na umnak hmun leiah a naihbik sianginn panga zong an hmuhsak lai.

'Search for school' (Sianginn kawli) tangah sianginn min zong in na kawli khawh.

Kan mah umnak ah a si lomi acozah sianginn ah kai dingin ka fa nih a sok kho lai maw?

Sok kho, na tualchung sianginn leng sianginn dang zong na sok khawh. Sianginn nih na soknak kha Hmunhma peknak lei Pawlasi le hmunhma ngah khawh a simi he aa keih in a tuaktaan lai. [Sianginn i minkhumhnak](#) pawl papek ning kong kha sianginn i page kha na hmuh khawh lai.

Ka minpeknak soknak a tlamtinglo timi cakuat ka hmuh ahcun zeidah a cang hnga?

Sianginn dang ah na fa cu minpek dingah na sok awk asi. Na fa cu an tualchung sianginn ah hmunhma amakhnaa piak asi. Na fa tualchung sianginn cu azungzal an umnak hmun hmun hrampi ah hngat in khiah asi. Na fa i mah umnak sianginn i chiah dingah ka [Sianginn \(Find my School\)](#) timi kha kawli. Sianginn page i [Sianginn i minkhumhnak](#) caah na fa i a umnak fehter dingah an bawmh fawn lai.

Biakhiahnak zong na azukhannak na tuah khawh. [Foundation \(Prep\) i Minkhumhnak](#) nih minkhumhnak lei soknak i aphi azukhaan dingah tuahto ning kong kha a ngei.

Minpeknak caankhiahmi ka Tloh soal ahcun zeidah a cang hnga?

Term 2, 2025 in zeitik caan paoh ah 2026 siangkai kum caah na fa kha Foundation ah minkhumhnak tuah dingin na sok khawh.

A tlai bik ah Chiapa (July) 25, 2025, Ningani ah minkhumhnak sohluah ap dingin an in fial ko nain, hi ni hnu ah minkhumh caan a tlinh lomi, zungzal khuasa in umnak ding hmun ah aa thialmi asiloah Victoria ah a hung phan tharmi chungkhar hna sin in soknak pawl cu cohlan a si rih lai.

25 Chiapa (July) 2025 hnu ah apmi minkhumhnak sohluah pawl cu sianginn nih an hmuh ning tein an tawlrel lai, phuthen (department) nih a ngeihmi Hmunhma chiahnak lei pawlasi ningin.

Khoika ah dah siangniam sianginn ah minpeknak he pehtlai in theihhngalhnak Ka hmuh khawh hnga?

Ahrampi minpeknak tuahnak he pehtlai in thukdeuh theihhngalhnak caah na tualchung siangniam sianginn kha na hal khawh.

Term 2 nak, 2025 a thawk ka ah [Foundation \(Prep\) i Minkhumhnak](#) catlap ah Foundation minkhumhnak tuahtawnni konglam tom zong na hmuh khawh chin fawn lai.

Theihhngalhnak ca lehnak bawmh na herh ahcun, zaangfahnak in bawmhna caah na tualchung siangniam sianginn kha chawn.

Bawmhna caah ho dah ka pehtlai hnga?

Thialkamnak Tawlreitu, Minpeknak Zunguk asiloah sok na duhmi siangniam sianginn nih minpeknak tuahnak kongah na ngeih khawhmi biahalnak pakhatkhat kongah an bawmh khawh.

Athahnemmi link hna

Zaangfahnak in na fa nih Siangniamruun siangkai a thawk tik ah a ttahnem kho menmi link pawl atang ah kaw.

Ka Sianginn (my School) kaw – findmyschool.vic.gov.au

Sianginn hmunhma pawl kong – vic.gov.au/school-zones

Foundation (Prep) i Minkhumhnak – vic.gov.au/enrolling-foundation-prep

Sianginn i minkhumhnak – vic.gov.au/how-choose-school-and-enrol

Pumtlinglo sinak le itel dihmi fimcawnnak – vic.gov.au/disability-and-inclusive-education

Mahumhnak hmun i zung pehtlaihna pawl – vic.gov.au/office-locations-department-education

2025-26 caah Caankhiahmi

2025 Nithla hna	Cawlcanghnak
Term 2nak: Nihnih ni 22 Vaupi (April) 2025 – Ninga ni 4 Chiapa (July) 2025	
Term 1nak le 2nak, 2025	2026 caah Ahrampi (Timhtuahnak) minpeknak a kawlni innchungkhar hna caah Siangniam sianginn khaulawlnak, theihngalhnak caan le adang cawlcanghnak hna a tuah.
Term 2nak, 2025 a thawk ka ah	2026 sianginn kai kum caah sianginn hmunhma pawk kha hika ah zoh findmyschool.vic.gov.au Hringtu nulep le zohkhenhtu pawl cu 2026 caah an suaisamhmi mah umnak pawng i sianginn (mah umnak hmun) i sianginn i chiah dingah findmyschool.vic.gov.au an kal awk a si. Hringtu nulepa le Zohkhenhtu pawl caah Minkhumhnak lei Thawngthanhmi Tom kha Foundation (Prep) i Minkhumhnak in download dingah ngah khawh a si.
Zarh 1nak, Term 2nak, 2025 in	Siangniamruun sianginn pawl nih sianginn aa ap dingmi chungkhar pawl le an mah umnak mibu sinah Minkhumhnak lei Thawngthanhmi tom kha an phawtzamh men lai.
Zarh 1nak, Term 2nak, 2025 in	Minkhumhnak soknak on ni - hi nithla thawk in hringtu nulepa le zohkhenhtu pawl nih phitmi minkhumhnak soknak kha acozah siangniamruun sianginn ah an ap lai.
Term 3nak: Nikhat ni 21 Chiapa (July) 2025 – Ninga ni 19 Zing (September) 2025	
Ninga ni 25 Chiapa (July) 2025 ah	Minkhumhnak soknak donghter ni – hi nithla ah hringtu nulepa le zohkhenhtu pawl nih phitmi minkhumhnak soknak kha acozah siangniamruun sianginn ah an ap lai.
Nikhat ni 28 Chiapa (July) le Ninga ni 8 Hniang (August) 2025 karlak ah	Siangniamruun sianginn pawl nih Foundation (Prep) minkhumhnak api pawl kha catialmi he, phuthen i Hmunhma peknak Pawlasi ningin hringtu nulepa le zohkhenhtu pawl a theihter hna lai. Hi ah hin kainak hmunhma peknak cakuat, minkhumhnak ca fehternak cakuat, asilole a hlawhtling lomi soknak cakuat aa tel men lai. Hringtu nulepa le zohkhenhtu pawl nih soknak a hlawhtling lomi cakuat kha ca in tialmi azukhan kha siangniamruun sianginn i apnak kha a thawk men.
Ninga ni 22 Hniang (August) 2025 ah	Mah nithla ah hringtu nulepa le zohkhenhtu pawl nih an fa i hmunhma peknak lei cohlanak a langhtermi hmuhma peknak cakuat pakhat an rak kuat.
Ninga ni 22 Hniang (August) 2025 ah	Siangniamruun sianginn i ca in tialmi azukhan ap dingah hringtu nulepa le zohkhenhtu pawl caah phihihnak nithla.
Ninga ni 5 Zing (September) 2025 ah	Hi nithla ah azukhannak hi api kha siangniamruun sianginn pawl nih hringtu nulepa le zohkhenhtu pawl sin ah catialmi in an theihter hna lai.
Ninga ni 19 Zing (September) 2025 ah	Aa remmi Mah umnak hmun Haotu he catialmi in azukhannak ap dingah hringtu nulepa le zohkhenhtu pawl caah phihihnak nithla, hika ah siangniamruun sianginn ah an azukhannak an hlawh a tling lo.
Term 4nak: Nikhat ni 6 Tho (October) 2025 – Ninga ni 19 Dipa (December) 2025	
Term 4nak, 2025 lio	Siangniam sianginn hna nih thialnak caan hmannak an tuah.
Ninga ni 31 Tho (October), 2025 ah	Hi nithla ah Mah umnak hmun i Haotu azukhannak api kha Mah umnak hmun pawl nih hringtu nulepa le zohkhenhtu dihlak kha an theih hna lai. Mah cu Ninga ni 19 Zing (September) 2025 khar ni tiang a phanmi nawlnak caah lawng ah hman a si.